

# Vuk'uzenzele

**JOBS  
INSIDE:**

Produced by Government Communications (GCIS)

English/Setswana

| Mopitlwe 2019 Kgatiso 1

## Budgeting for a brighter future

**FINANCE MINISTER** Tito Mboweni has called on the nation to embrace President Cyril Ramaphosa's State of the Nation Address task list, so that we can become a better South Africa.

**ECONOMIC  
GROWTH**


**TAX**

**EXPENDITURE**

**DEBT**

**SOEs**

**WAGE BILL**



Finance Minister Tito Mboweni delivers the Budget Speech.

**D**uring his recent Budget Speech in Parliament, Minister Mboweni assured South Africans that the country is on a bold new path and spoke about what government plans to do for the nation and its citizens.

citizens.

The Minister said that the Budget focuses on six areas. These include achieving a higher rate of economic growth; increasing tax collection; reasonable, affordable expenditure; stabilising and reducing debt; re-configuring state-owned enterprises (SOEs); and managing the public sector wage bill.

"Taxes raised in wealthier areas fund poorer provinces and municipalities. In this budget, 47.9 percent of nationally-raised funds have been allocated to national government, 43 percent to provinces and 9.1 percent to local government. Pro-poor spending continues to grow in real terms," he said.

**Cont. page 2**

### Social grant increases



**R80** – Increase for old age, disability, war veterans and care dependency grants.  
**R40** – Increase for the foster care

### Health



**R717 billion** – For health services, including the National Health Insurance.

### Education



**R30 billion** – To build new schools and maintain infrastructure.



ALSO AVAILABLE ON:



@VukuzenzeleNews



Vuk'uzenzele

Websites: [www.gcis.gov.za](http://www.gcis.gov.za)

[www.vukuzenzele.gov.za](http://www.vukuzenzele.gov.za)

E-mail: [vukuzenzele@gcis.gov.za](mailto:vukuzenzele@gcis.gov.za)

Tel: (+27) 12 473 0353

**FREE  
COPY**

**Did you know?** THE 2019 ELECTIONS WILL BE HELD ON 8 MAY 2019

# Bašwa ba ba ithutetseng tsa boitekanelo ba thusa kwa metsemagaeng a KwaZulu-Natal

**M**okhuduthamaga (MEC) wa Boitekanelo wa kwa KwaZulu-Natal Ngaka Sibongiseni Dhlomo o rotloeditse bašwa ba boithutelo ba tsa boitekanelo go tloga mo ba leng gone, mo dilo di leng bonolo, go batla ditiro kwa mafelong a metsemagae go thusa setšhaba se se tlhokang thuso ya kalafi.

MEC o ne a bua bošeng a le kwa Durban, kwa dithutanong tsa go amogela le go fatlhosa baithuti ba le 286. Ba tswa kwa diyunibesithing go ralala naga mme ba simolotse tiro ya bona ya tirelosetšhaba ya lobaka la dikgwedi di le 12 fa Ferikgong e roga.

Setlhophsa ba badiredisetšhaba ba ngwaga wa 2019 se akaretsa dingaka tsa meno, bafisioterapi, ba boitekanelo jwa mmele le mesifa, badiredi ba tsa thanolopuo le ba ba dirang ka tsa kutlomodumo. Tirelose-tšhaba e e gapelediwang ya lephateng la tirelo ya boitekanelo e sale e simo-



Badiredi ba bašwa ba ba ithutetseng dirutwa tsa boitekanelo ba feta ba le 200 ba malalaotswe go ka dira kwa dikarolong di le mmalwa tsa kwa KwaZulu-Natal jaaka karolo ya bona ya katiso ya kwa tirong.

lola ka ngwaga wa ditšhelete wa 1998/99, ka fa tlase ga puso ya Moporesidente wa maloba Nelson Mandela. Le fa e le gore ka nako eo go ne go totilwe dingaka tse di tlhatlhobang mmele le dingaka tsa meno fela, e ne ya simololwa mo lephateng le lengwe la badiredi ba tsa boitekanelo go akaretsa badiri ba boitekanelo ba ba dirang ka terapi gammogo le baoki.

“Bontsi jwa ditirelo tse di tlamelwang ke diterapiseti ke tse di tlhaelang mo ma-

felong a metsemagae. Go letla bašwa bano go ya kwa mafelong ao go fokotsa palo ya balwetse ba malwetse a tlholang ke ditlamorago tsa malwetse a a jaaka kgatelelo ya madi, bolwetse jwa sukiri, le go swa letlhakore, go etela metseteropo gangwe le gape kwa go leng bontsi jwa baporofesene,” o rialo MEC Dhlomo.

Ngaka ya meno Frieda Maritz, go tswa kwa Tshwane, o ithutile kwa Yunibesithing ya Pretoria. Mo tshimologong o ne a rometswe go dira kwa

“Go kgona go tlamela ka ditirelo tsa boitekanelo go bao ba sa di fitlheleng ke sengwe se se kgotsofatsang.”

Bookelong ba Ekhombe, pele a ka romelwa kwa Tlilining ya Hlengisizwe. “Ke itumetse go dira kwa ntlenyana ga Durban. Ekhombe ke motselegae, mme go dira mo lefelong leo e nnile maitemogelo a magolo. Ke ithutile go le gontsi go go malebana le tiro ya me. Ke lebeletse go ithuta puo ya isiZulu, go itse le go tlhaloganya setšhaba botoka le go dira pharologano,” o rialo Maritz.

Nombongo Ntswayi, modiredi wa tsa boitekanelo ba kutlomodumo go tswa kwa Kapa, o itumetse dibeke tsa gagwe tsa ntlha

a dira kwa Bookelong ba Christ the King kwa Ixopo.

“Go dira le setšhaba sa kwa Ixopo, go nneile tšhono ya go bona letlhakore le lengwe la botshelo le go rata batho. Go kgotsofatsa maikutlo go tlamela ka ditirelo tsa boitekanelo go batho ba ba sa di fitlheleng bonolo,” o rialo Ntswayi.

Yashnita Ramsunder, terapisete ya kwa lefelong la tiro, yo o ithutile kwa Yunibesithing ya Kapa, o direla kwa Tlilining ya Gamalakhe, kwa ntlenyana ga Port Shepstone. “Ke itumetse go dira kwa ke isitsweng gone. Ke tlamela ditlilini di le robongwe ka ditirelo. Se ke se lebeletseng thata monongwaga ke go thusa bahumanegi ba ba dikobomagetleng, go thusa batho ba ba tshelang ka bogole gore ba kgone go ikemela ka nosi mo setšhabeng, ke tsibosa batho ka ga bolwetse ba tlhaloganyo, ka ke na le lerato le le tletseng la go dira ka ga bolwetse bo,” o rialo Ramsunder.

## Balwetse le bona ba na le ditshwanelo

**BATHO BA** ba dumelang fa ba amogetse ditirelo tse di bokoa mo ditheong tsa tlhokomelo ya boitekanelo tsa botlhe ba na le tshwanelo ya go tsenya ngongorego.

Silusapho Nyanda

**K**a kgwedi ya Mopitlwe e le Kgwedi ya Ditshwanelo tsa Botho, Vuk'uzenzele e leba ditshwanelo tsa balwetse ba ba dirisang ditheo tsa boitekanelo.

Tlhokomelo ya boitekanelo ke tshwanelo ya motheo ya botho e e itumelwang ke Maaforikaborwa otlhe.

Seno se dirile gore Lefapha la Boitekanelo le kwale Papetlana ya Ditshwanelo tsa Balwetse.

Papetlana eno e tlhalosa fa mongwe le mongwe a na le ditshwanelo tsa tlhokomelo ya boitekanelo, go sa kgathalesege gore ba kgona go duela kgotsa nnyaa.

“Balwetsi ba tshwanetse go itsise ka ga kalafi



le kgopololo go ba kgonntsha go tlhaloganya kalafi le kgopololo le ditlamorago tsa tsona, mme Papetlana ya Ditshwanelo tsa Balwetse” e buisega jaana.

Fa molwetse a ikutlwa gore o tshotswe ka tsela e e sa tshwanelang kgotsa fa dithata tsa gagwe di gatakilwe, o na le tshwanelo ya go tlhagisa maikutlo a gagwe.

Balwetse ba ba dirisang dikokelo tsa botlhe tsa kwa

KwaZulu-Natal, go naya motlhala, ba ka romela ngongorego ka tlhamalalo go motlhankedi wa dikamano le setšhaba wa moporofesenele yo o direlang kwa setheong sa boitekanelo sa porofense.

“Ga jaana re na le dikokelo tsa botlhe di le 80 mo porofenseng ya rona le di PRO ba le 80, le ditikwatikwe tsa setšhaba di ka nna 10, nngwe le nngwe e na le PRO,” ga

rialo Mokhuduthamaga (MEC) wa KwaZulu-Natal wa Boitekanelo Ngaka Sibongiseni Dhlomo. O ne a re mo dingwageng di le mmalwa tse di fetileng, dithutano, di ne di tshwarwa go maatlafatsa di PRO go nna sefatlhago sa ditheo tsa botlhe tsa boitekanelo tsa porofense.

Balwetse ba ba sa kgotsofatsang ba ka bega dingongorego tsa bona kwa kantorong ya ga Ombudsman wa tsa Boitekanelo.

Ricardo Makhanya wa kantoroyagaombudsman o tlhalositse fa ba batlisisa dingongorego tsa balwetse le go ba begela ka ditlamorago tsa patlisiso mo kgetseng nngwe le nngwe.

O rile balwetse ba tshwanetse pele go tlhagisa dingongorego tsa bona kwa setheong sa boitekanelo mme fa ba sa kgotsofatsa karabo, ke moo ba ka yang kwa kantorong ya ombudsman.

### Tshwanelo ya gago ya go nna le serite

Molwetse mongwe le mongwe o na le tshwanelo ya:

- Tikologo e e itekanetseng e bile e bolokesegele
- Go nna le seabe mo go tseweng ditshwetso
- Go fitlhelela tirelo tsa tlhokomelo ya boitekanelo
- Go itse ka ga boitekanelo jwa gagwe
- Inshorenele sekema sa thuso ya kalafi
- Go ithophela ditirelo tsa boitekanelo
- Go tlhatlhoba ke batlamedi ba tirelo ya tlhokomelo ya boitekanelo ba ba nang le maina
- Go ba sephiri le khupamarama
- Go amogela tirelo morago ga go tlhalosediwa dintlha ka bottlalo
- Go gana go bona kalafo
- Go bona maele go tswa go motho wa bobedi
- Go tswelapele ka tlhokomelo ya boitekanelo
- Go ngogoregela tirelo ya boitekanelo.

Fa o rata go bega ngongorego kwa Ombudsman wa tsa Boitekanelo, letsetsa nomoro ya mogala ya mahala mo go 080 911 6472 kgotsa go: romela fekese go 086 560 4157 kgotsa imeile go: [complaints@ohsc.org.za](mailto:complaints@ohsc.org.za)